



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

CLVIII. Prohibet duos libros nempè censura sacræ Facultatis Theologiæ
Parisiensis , & Amadæi Guimenii Lomarensis.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

narent, ac proinde illam à Nobis quantocius expediti ad quolibet effugia præcludenda, omnique removendos obtentus, flagitaverit: Nos tam piis dicti Regis Christianissimi votis benignè annuendum esse ducentes, formulam infra scriptam ab omnibus Ecclesiasticis, etiam Venerabilibus fratribus nostris Archiepiscopis, & Episcopis, ne non aliis quibuscumque Ecclesiastici Ordinis tam Regularibus, quam Sæcularibus, etiam Monialibus, Doctoribus, & Licentiatis, aliisque Collegiorum Rectoribus, atque Magistris subscribi districtè mandamus; idque intra tres menses à die publicationis, seu notificationis præsentium, aliàs contra eos, qui intra terminum prædictum non paruerint, irremissibiliter procedi volumus juxta Canonicas Constitutiones, & Conciliorum Decreta.

Formula à supradictis subscribenda.

EGO N. Constitutioni Apostolicæ Innoc. X. datæ die 31. Maii. 1653. & Constitutioni Alexandri VII. datæ die 16. Octobris 1656. Summorum Pontificum me subijcio, & quinque propositiones ex Cornelii Jansenii libro, cui nomen Augustinus, excerptas, & in sensu ab eodem auctore intento, prout illas per dictas Constitutiones Sedes Apostolica damnavit, sincero animo rejicio, ac damno, & ita juro, sic me Deus adjuvet, & hæc sancta Dei Evangelia.

Decernentes insuper præsentem literas semper, & perpetuò validas, & efficaces existere, & fore suosque plenos, & integros effectus sortiri, & obtinere. Sicque per quoscumque Judices Ordinarios & Delegatos ubique judicari, & definiri debere, sublata eis, & eorum cuilibet quavis aliter judicandi, & interpretandi facultate, & auctoritate, ac irritum, & inane esse, si secus super his à quocumque quavis auctoritate scienter, vel ignoranter contigerit attentari.

Quocirca Venerabilibus Fratribus Archiepiscopis, & Episcopis, aliisque locorum Ordinariis committimus, & mandamus, ut singuli in suis Diocesis, ac locis suæ jurisdictioni subjectis præsentem literas, & in eis contenta quæcumque exequantur, & executioni mandari, ac observari ab omnibus curent, & inobedientes quoscumque per sententias, censuras, & pœnas, aliaque juris, & facti remedia, appellatione postposita, invocato etiam ad hoc, si opus fuerit brachii sæcularis auxilio, omninò compellant.

Volumus autem ut, præsentium transumptis, etiam impressis, manu Notarii publici subscriptis, & sigillo alicujus personæ in dignitate Ecclesiastica constitutæ munitis eadem fides prorsus adhibeatur, quæ ipsis originalibus literis adhibetur, si essent exhibitæ, vel ostensæ.

Nulli ergo omninò hominum liceat hanc nostram Constitutionem, & ordinationem infringere, vel ei ausu temerario contraire, si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud S. Mariam Majorem, Anno Incarnationis Dominicæ 1665. quintodecimo Kalendis Martii, Pontificatus Nostri Anno decimo.

*Anno à Nativitate Domini Nostri Jesu Christi 1665.
Indictione tertia, die verò 17. mensis Februarii,
Pontificatus autem Sanctissimi in Christo Patris, &
D. N. D. Alexandri Divina Providentia Pape
VII. Anno ejus Decimo, supradictæ literæ Apostolicæ affixæ, & publicatæ fuerunt ad Valvas
Basilicæ Principis Apostolorum Cancellariæ Apostolicæ in acie Campi Floræ, ac aliis locis solitis,
& consuetis Urbis per me Stephanum Vivaldum
Apost. Curs.*

Pro Mag. Curs. Laurentius Signus Curs.

Prohibet duos libros nempe censura sacre Facultatis Theologiæ Parisiensis, & Amadæi Guimenii Lomarenfis.

ALEXANDER EPISCOPUS,

Servus Servorum Dei. Ad perpetuam rei memoriam.

CUM ad aures nostras pervenerit duos proditisse libros, quorum alteri titulus est.

§. 1. Censura Sacre Facultatis Theologiæ Parisiensis in librum, cui titulus est: La Dessen de l'autorité de N. S. P. le Pape, de Nos Seigneurs les Cardinaux, les Archevêques, & Evêques, & de l'emploi des Religieux mendians, contre les erreurs de ce tems, Par Jacques de Vernant à Mets, 1658. Alteri verò titulus est: Censura Sacre Facultatis Theologiæ Parisiensis in librum, cui titulus est: Amadæi Guimenii Lomarenfis, olim primarii Sacre Theologiæ professoris opusculum singularia universæ ferè Theologiæ moralis complectens: adversus quasdam expostulationes contra nonnullas Jesuitarum opiniones morales ad Tractatus de peccatis; De opinione probabili &c. Editio novissima &c. Lugduni sumptibus Phil. Borde, Laurentii Arnaud, Petri Borde, & Guillelmi Barbier 1664. cum approbatione, & Superiorum permisso, Parisiis 1665. in quibus libris censura præsumptuosa notantur aliquæ propositiones, eæque præsertim, quæ ad Romani Pontificis, & Sanctæ Sedis Apostolicæ auctoritatem, Episcoporum jurisdictionem, Parochorum munus, Privilegia à Sancta Sede concessa, Dispensationes Apostolicas, actionumque moralium regulam pertinent, & aliæ quæ & gravissimorum Scriptorum auctoritate, & perpetuo Catholicorum usu nituntur. Et cum fieri non possit sine publico Catholice Religionis detrimento, ut prædictæ censuræ in commemoratis libris sine debita Ecclesiæ animadversione, & damnatione remaneant.

§. 2. Nos pro Apostolico munere, quo licet immeriti fungimur, ut gravissimo scandalo, quod inde Catholicis accidere posset, occurramus; Habitis prius doctissimorum, ac insignium in Sacra Theologia Magistrorum, ac Professorum, ac Sacrarum Sedis Apostolicæ Congregationum Qualificatorum, quos ad hæc specialiter deputavimus consultationibus, ut rei gravitas videbatur postulare; Necnon auditis suffragii Venerab. Fratrum nostrorum S. R. E. Cardinalium in tota Republica Christiana Generalium Inquisitorum, Motu proprio, & ex certa scientia nostra, deque Apostolicæ potestatis plenitudine præfatas, censuras uti præsumptuosas, temerarias, atque scandalosas, auctoritate Apostolica damnamus, & pro damnatis haberi volumus, easque nullius valoris, & roboris fuisse, sed castas, & irritas esse declaramus; Mandamus insuper, ne quisquam ex Christi fidelibus cujuscumque gradus, ac dignitatis existat, etiam Episcopali, Archiepiscopali, Patriarchali, aut alia majori dignitate etiam speciali, ac specialissima nota digna suffultis, prædictas censuras approbet, sequatur, atque defendat; Neve in publicis, aut privatis lectionibus, disputationibus, sessionibus, aut aliis actibus publicis sequatur, tueatur, aut doceat; Neque in libris, aut etiam scripturis publicis, vel privatis, aut alio quocumque modo illas alleget, sub pœna excommunicationis latæ sententiæ ipso facto incurrendæ, cujus absolutionem Nobis, ac Sedi Apostolicæ reservamus.

§. 3. Præterea Typographis, ac Bibliopolis expressè prohibemus, ne præfatos libros, & censuras imprimere, ac Typis mandare, minusque impressos vendere audeant, ac præsumant sub eadem pœna excommunicationis latæ sententiæ ipso facto incurrendæ, insuper libros, scripturas, & alia opera in

Prohibitio
prout in Rubric.

Prohibitio
Typographis.

quibus

quibus præfata censuræ quomodolibet continetur, laudantur, & defenduntur, Apostolica auctoritate prohibemus, ac pro vetitis haberi volumus; Mandamusque ne aliquis illos, ac illa legere, aut penes se retinere præsumat, sed locorum Ordinariis, aut hæreticæ pravitatis Inquisitoribus in locis, in quibus Sanctissimæ Inquisitionis Officium exercetur, consignet, sub pœna excommunicationis, ut supra ipso facto incurrendæ. Distisque Ordinariis, ut etiam tanquam Apostolicæ Sedis Delegati, necnon præfatis hæreticæ pravitatis Inquisitoribus districtè præcipimus, ut contra transgressores inobedientes, ac rebelles diligenter inquirent, & procedant, & ad declarationem dictæ excommunicationis, & ad alias pœnas pro gravitate ipsorum inobedientiar, ac transgressionis pro eorum arbitrio procedant.

§. 4. Cæterum ulterius de præfatis censuris iudicium deque opinionibus in prædictis libris Jacobi Vernant, & Amadæi Guimenii contentis, necnon de aliis in eisdem censuris expressis, sive in eis præmemorata opinionone notentur, sive non, Nobis, ac Sanctæ Sedi Apostolicæ reservamus.

Decretum
irritans.

§. 5. Decernentes insuper præfatas literas semper, & perpetuò validas, & efficaces existere, & fore, suosque plenarios, & integros effectus sortiri, & obtinere; Sicque per quoscumque Judices Ordinarios & delegatos ubique judicari, & definiri debere, & sublata eis, & eorum cuilibet quavis aliter judicandi, & interpretandi facultate, & auctoritate, ac irritum, & inane esse quidquid secus super his à quocumque quavis auctoritate, scienter, vel ignoranter contigerit attentari.

Transumptio
fides.

Volumus autem ut præsentium transumptis etiam impressis, manu Notarii publici subscriptis, & sigillo alicujus personæ in dignitate Ecclesiastica constitutæ munitis, eadem fides profus adhibeatur, quæ ipsis originalibus literis adhiberetur, si essent exhibitæ, vel ostensæ.

Sanctio pœnalis.

Nulli ergo hominum liceat hanc nostram Constitutionem, & ordinationem infringere, vel ei ausu temerario contraire. Si quis autem hoc attentare præsumpserit indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. P. An. 11.
die 25. Jul.

Datum Romæ apud S. Mariam Majorem anno Incarnationis Dominicæ 1665. 7. Kalendas Julii Pont. nostri Anno undecimo.

Anno à Nativitate D. N. Jesu Christi 1665, Indictione tertia die verò 26. mensis Junii, Pontificatus autem Sanctiss. in Christo Patris, & D. N. D. Alexandri Divina Providentia Papæ VII. anno ejus 11. supradictæ litteræ Apostolicæ, affixæ, & publicatæ fuerunt ad valvas Basilicæ Principis Apostolorum, Cancellariæ Apostolicæ, & in acie Campi Floræ, ac in aliis locis solitis, & consuetis Urbis per me Carolum Melanum ejusdem Sanctiss. D. N. Papæ, & Sanctissimæ Inquisitionis Cursorem.

CLIX.

Concedit facultatem Congregationi Cassinensi Ordinis S. Benedicti alienandi bona stabilia usque ad summam centum sexaginta duorum millium nongentorum novem scutorum, pro liberatione Monasteriorum ab ære alieno.

Vide ad Constit. 215. Exponi nobis, Urbani VIII. & 307. Alias à nobis, & ad Constit. 48. Innoc. X. Nuper.

Venerab. fratri nostro Francisco Episcopo Portuen. S. R. E. Cardinali Barberino nuncupato Congreg. Cassinensis Ordinis S. Benedicti apud Nos, & Sedem Apostolicam Protectori.

ALEXANDER PAPA VII.

Venerabilis Frater noster, salutem & Apostolicam benedictionem.

Edita A. D.
1665.Motiva hujus
Constit.

Exponi Nobis nuper fecit dilectus filius Procurator Generalis Congregationis Cassinensis Ordinis S. Benedicti, quod dicta Congregatio propter bellorum, pestis, inundationum, & tempestatum, aliaque infortunia, quæ ejus Monasteria cum extrema ferè eorum ruina respectivè passa sunt, à multis annis miserabilem in statum redacta reperitur, ac ex causa tot malorum cum singula Monasteria Procurariæ Generali de taxis debitis juxtà repartitionem pro solvendis oneribus, Cameralibus satisfacere nequirent; Congregatio ipsa æs alienum centum sexaginta duorum millium nongentorum novem scutorum, & viginti trium bajocchorum monetæ in forte principali diversorum annuorum perpetuorum, & redimibilium censuum ad favorem diversarum personarum, ac etiam Locorum piorum respectivè impostorum, contrahere coacta fuerit; nempe pro rata centum quinque millium quingentorum septuaginta octo scutorum nomine Monasteriorum particularium, pro quibus pecunias reperire eidem Congregationi facilè fuit, ac pro rata reliquorum quinquaginta septem millium trecentorum triginta unius scutorum, & viginti trium bajocchorum nomine proprio ipsius Congregationis pro illis Monasteriis, quibus eorum nomine tantum pecuniæ reperiri nequiverunt, quæque proinde in debito hujus summæ erga Procurariam Generalem peculiari ratione remanserunt, prout distinctius exprimitur in Notis vulgari Idiomate factis tenoris qui sequitur videlicet.

Nota Censuum.

§. 1. Nota de' Censù che in forti principali si son imposti dalla Congregazione Cassinense in nome proprio per causa dell'infra scritti Monasterii, che non hanno corrisposto al pagamento delle Tasse, che ciascuno di essi doveva per la sua rata, per li quali à nome loro il danaro non si è potuto trovare, e perciò ciascuno di quelli è restato debitore alla Procureria Generale nella somma, che gli assegna, come segue. Monasterio di Gangi scudi cinquecento quaranta cinque, bajocchi settant'otto. Di Monte Scaglioso scudi dieci mila doicento cinquanta, bajocchi quarant'otto. Di Castrovillari scudi tre mila cinquecento novantasei, bajocchi settant'otto. Di Gaeta scudi mille doicento quindici, bajocchi venti. Di Perugia scudi mille cinquecento quattro, bajocchi trenta. Di Cesena mille cinquecento uno, bajocchi cinquanta. Di Modena scudi due mila ottocento trenta sette bajocchi settantasette. Di Bobio scudi due mila cento vent'otto, bajocchi ventitrè. Di Pavia scudi due mila quattrocento cinquantacinque, bajocchi sedici. Di San Simeone scudi ottomila settecento quaranta, bajocchi ottanta. Di San Pietro Gesà scudi mille cento quaranta nove, un bajoccho. D'Asi scudi sedici mila novecento trentacinque, bajocchi trentadue. Di Ragusa scudi due mila seicento ventitre, bajocchi due, e mezzo. Di Lerino scudi due mila ducento novanta sette, bajocchi sessantasette, e mezzo. Nota de' capitali de' Censù, che dalla Congregazione Cassinense sono stati imposti à nome particolare di ciascun dell'infra scritti Monasterii, ni quali ne restano debitori nella somma che à ciascuno viene assegnata secundo il repartimento, che segue, per non haver sodisfatto le Tasse, che ogn'uno di loro doveva per la sua rata alla Procureria Generale, per pagare li pesi Camerali, Monasterio di Monreale scudi mille, Monte Scaglioso scudi ventinove mila ducento sessantasette bajocchi cinquanta, Cava scudi seimila, e cento, Napoli scudi ottocento. Averfa scudi cinquecento.

Monte